

Congregation of YHWH Jerusalem, Israel

SOMO LA 4: SABATO

Kitabu cha Matendo ya Mitume ina historia ya Kusanyiko la Kwanza la YHWH ya nyakati za kwanza. Ina matukio makuu kwa ufupi sana. Kitabu hiki kinatuhakikishia ya kwamba kuwa mwamini ni kuiishi kwa jinsi fulani. Mamilioni ya watu huamini kuwa Jumapili imechukua nafasi ya Sabato ya siku ya saba. Wanachukulia kwamba wanatunza amri ya nne kwa kutunza Jumapili. Wengine wanahisi kwamba sio hoja kutunza siku yoyote ya juma kama Sabato. Wanaamini kuwa kila siku ni Sbato ya “kiroho”. Hebu tutazame katika neno la Yahweh kuhusu ukweli kuhusu amri hii.

Ni lini na jinsi gani Sabato “iliumbwa”?

MWANZO 2:2 Na siku ya saba Elohim alimaliza kazi yake yote aliyoifanya; akastarehe siku ya saba, akaacha kufanya kazi yake yote aliyoifanya.

MWANZO 2:3 Elohim akaibarikia siku ya saba, akaitakasa kwa sababu katika siku hiyo Elohim alistarehe, akaacha kufanya kazi yake yote aliyoiumba na kuifanya.

Maelezo: Yahweh aliumba Sabato kwa kitendo cha kupumzika kwa siku ya saba katika wiki ya uumbaji. Aliibarikia na kutakaza Sabato - kuweka baraka yake juu yake na kutenga kwa ajili maalum na aandalio la wakati unotukia kila siku saba. (Sabato huanza jioni, siku ya sita unapokwisha, hadi jioni, siku ya saba unapokwisha. Tazama **Mambo ya Walawi 23:32** mfano wa jjinsi siku huanza na hutamatishwa kwa Yahweh.

Je, Yahshua alisema Sabato uliumbwa kwa ajili ya nani?

Marko 2.27 Akawaambia, Sabato ilifanyika kwa ajili ya mwanadamu, si mwanadamu kwa ajili ya sabato.

Mhubiri 12:13 Hii ndiyo jumla ya maneno; yote yamekwisha sikiwa; Mche Elohim, nawe uzishike amri zake, Maana kwa jumla ndiyo impasayo mtu.

Maelezo: “Sabato ilifanyika kwa ajili ya mwanadamu”, asema Yahshua. Kila siku ya saba kutoka Wiki la Uumbaji ilitengwa na Elohim uwe wakati bora utakaotunzwa na Wanadamu. Sabato ilifanyika kwa ajili yaa Adamu na uzao wake, hata wa leo. Sabato ya Siku ya saba ilikuwa ifaidi wote watakao ishi - kama watanza jinsi Elohim alikusudi. Mhubiri atueleza kwamba ni jukumu la kila mtu kuzishika amri za Baba wetu wa mbinguni, au katika lugha ya Kiebrania inamaana kuwa kuzishika amri hufanya Mwanadamu kuwa kamili. Tunatenda kazi siku sita na kutoa jasho ilitupate chakula na mahali pa kuishi. Hatusemi uongo au kuiba jirani yetu, lakini baada ya kupumzika katika Sabato ya siku ya saba na kupata uhusiano na Muumba wetu, hufanya wiki yetu na maisha yetu kukamilika.

Je, ni jinsi gani Elohim alitazamia Sabato ifaidi Mwanadamu?

Kutoka 20:8 Ikumbuke siku ya Sabato uitakase.

Kutoka 20:9 Siku sita fanya kazi, utende mambo yako yote;

Kutoka 20:10 lakini siku ya saba ni Sabato ya Yahweh, Elohim wako, siku hiyo usifanye kazi yo yote, wewe, wala mwana wako, wala binti yako, wala mtumwa wako, wala mjakazi wako, wala mnyama wako wa kufuga, wala mgeni aliye ndani ya malango yako.

Kutoka 20:11 Maana, kwa siku sita Yahweh alifanya mbingu, na nchi, na bahari, na vyote vilivyomo, akastarehe siku ya saba; kwa hiyo Yahweh akaibarikia siku ya Sabato akaitakasa.

Kumbukumbu la Torati 5:12 Ishike siku ya Sabato uitakase, kama Yahweh, Elohim wako, alivyokuamuru.

Kumb.5:13 Siku sita fanya kazi, utende mambo yako yote;

Kumb.5:14 Iakini siku ya saba ni Sabato ya Yahweh, Elohim wako; siku hiyo usifanye kazi yo yote, wewe, wala mwanao, wala binti yako, wala mtumwa wako, wala mjakazi wako, wala ng'ombe wako, wala punda wako, wala mnyama wako ye yote, wala mgeni aliye ndani ya malango yako, ili mtumwa wako na mjakazi wako wapumzike vile vile kama wewe.

Kumb.5:15 Nawe utakumbuka ya kuwa wewe ulikuwa mtumwa katika nchi ya Misri, na ya kuwa Yahweh, Elohim wako, alikutoa huko kwa mkono wenye nguvu, na mkono ulionyoshwa; kwa sababu hiyo Yahweh, Elohim wako, aliquamuru uishike sabato.

Maelezo: Tazama kuwa Elohim aliumba siku ya saba ya Juma iwe takatifu na kuamuru tushike vile vile. Sabato ni wakati takatifu. Na iliumbwaa iwe baraka kuu kwa watu wote. Neno Sabato lamaanisha “starehe” katika kiebrania. Kustarehe kimwili na kiakili baada ya kazi nyingi ya wiki, ni sababu dhahiri ya kushika sabato siku ya saba. Yahweh alijua kwamba wanadamu watahitaji kustarehe mara kwa mara na kubadili kazi zao. Lakini, lengo la kushika Sabato ya Yahweh linazidi starehe na kuburudika kimwili.

Je, Sabato pia ni ukumbusho wa Uumbaji wa Yahweh?

Kutoka 20:11 Maana, kwa siku sita Yahweh alifanya mbingu, na nchi, na bahari, na vyote vilivyomo, akastarehe siku ya saba; kwa hiyo Yahweh akaibarikia siku ya Sabato akaitakasa.

Maelezo: kwa kutunza Sabato ya siku ya saba ya Yahweh kila wiki linatukumbusha kuwa Elohim ni Muumba wa vyote vilivyomo, hata Wanadamu. Kwa hivyo Sabato ni ukumbusho wa Uumbaji wa Yahweh, pia na kusudi kuu la kiroho kwa kuumba mwanadamu.

Elohim alitenga wakati maalum au takatifu moja kati ya saba kwa wiki iwe kumbusho kuwa Yeye ndiye Muumba na kusudi lake kwa sisi kuwa hai. Sabato ni wakati ambapo tunakua kiroho kwa kuwa na mawasiliano ya karibu kiroho na Elohim. Inaruhusu sisi wakati wa kutafakari kuhusu Elohim, kuomba na kumwabudu Yeye (Pekee au kushiriki na wengine) na kusoma Biblia ili uelewe zaidi kuhusu kusudi lake la kushangaza kwa ajili ya nafsi zetu na jinsi ya kuifikia.

Je, Yahshua alitunza Sabato?

Luka 4:16 Akaenda Nazareti, hapo alipolelewa; na siku ya sabato akaingia katika sinagogi kama ilivyokuwa desturi yake, akasimama ili asome.

Luka 4:31 Akashuka mpaka Kapernaumu, mji wa Galilaya, akawa akiwafundisha siku ya sabato;

Maelezo: Yahshua alihudhuria ibada kwa Sabato “kama ilivyokuwa desturi yake”. Yahshua, mfano wetu mkamilifu, alitunza Sabato ya siku ya Saba vizuri. Pia lile kusanyiko alilo anzisha. Mfano uliowekwa na Masihi wetu na mitume wake imeandikwa katika Biblia ili tuifuate sasa. Tunaambiwa kwamba Yahshua ni kielelezo katika kila jambo.

1 Petro 2:21 Kwa sababu ndio mlioitiwa; maana Masihi naye aliteswa kwa ajili yenu, akawaachia kielelezo, mfuate nyayo zake.

Je, ilikuwa pia desturi ya Mtume Paulo kushika Sabato?

Matendo ya Mitume 17:2 Na Paulo, kama ilivyokuwa desturi yake, akaingia mle walimo, akahojiana nao kwa maneno ya maandiko sabato tatu,

Maelezo: Ni wazi kabisa kuwa Mtume Paulo alitunza siku ile Yahshua pia alitunza. Na kama Yahshua anaishi ndani mwetu leo (**Wakalatia 2:20**), tunatunza ile siku Yahshua alitunza - Sabato ya siku ya saba. Kama Yahshua angeondoa amri za baba yake au kubalisha Sabato iwe siku ingine, angemfunulia Paulo. Paulo alifundisha Makusanyiko za awali jinsi ambavyo Yahshua alifundisha kuhubiri, vile Biblia inavyo onyesha wazi.

Je, Paulo, hata kwa mji wa mataifa, alitunza Sabato siku ya saba?

Matendo ya Mitume 17:2 Na Paulo, kama ilivyokuwa desturi yake, akaingia mle walimo, akahojiana nao kwa maneno ya maandiko sabato tatu,

Maelezo: Kwa zaidi ya miezi 18 huko Corinth, Paulo alifanya kazi siku sita kwa wiki kama mtengenezaji wa hema. Na kuhubiri kila Sabato - Jumamosi, siku ya Saba.

Tazama jinsi Sabato ilivyo zingatiwa na waamini kutoka mataifa katika kusanyiko la kwanza, Paulo aliwahubiria Wayahudi na Wayunani kwa Sabato.

Matendo ya Mitume 13:42 Na walipokuwa wakitoka, wakawashihi waambiwe maneno haya sabato ya pili.

Je, Sabato ya pili, ni watu wangapi walifika kumsikiza Paulo?

Matendo ya Mitume 13:44 Hata sabato ya pili, watu wengi, karibu mji wote, wakakusanya kila walisikie neno la Yahweh.

Maelezo: Tazama kuwa ilikuwa desturi ya kusanyiko la kwanza la Waisraeli na Wayunani kukutana pamoa siku ya Sabato. Huwezi kupata hata andiko moja katika Agano Jipyaa linalo ashiria kuwa Mitume walibalisha amri moja kati ya amri za Yahweh na hasa siku ya Sabato. Viongozi wa awali wa kiyahudi

walitafuta kila ushahidi ili wahukumu Mitume. Je, unafikiri kuwa kama Paulo angeondoa au kubadilisha moja ya amri za Yahweh hangeweza kuhukumiwa? Na hakuna mtu hata mmoja anaye mkemea kwa kuondoa Sabato. Kuna andiko moja katika **Mitume 20:7** ambayo King James Bible ilitafsiri visivyo kuwa ni siku ya kwanza ya Juma, lakini tazama katika Lugha ya kiyunani asili na utagundua kuwa;

Mitume 20:7 Na katika siku moja ya Sabato, tulipokuwa tumekutana ili kumega mkate, Paulo akawahutubu, akiazimu kusafiri siku ya pili yake, naye akafuliza maneno yake hata usiku wa manane.

Tena, kama Paulo alibadilisha Sabato iwe Jumapili kwa wakati huu, katika Matendo ya Mitume 13 ungekuwa nafasi bora kuwaambia Wayunani kwamba wataendelea kesho Jumapili watakapokutana, lakini Paulo, Mtume kwa Wayunani, hakuwaambia wakutane siku iliyofuata yaani Jumapili kwa Ibada. Alisubiri kwa wiki nzima hadi Sabato ijayo aweze kuwahutubia tena. Kama tungepata hata andiko moja katika Agano Jipyambayo inatupa nguvu ya kutunza siku ya Jumapili kama vile ambavyo kutunza Sabato, tungeweza kutunza siku ya kwanza ya wiki. Lakini hakuna.

Vile Paulo alifuata nyayo za Yahshua Masihi aliyedumu kwake, Je, aliwaamuru nini Wayunani walioamini?

1 Wakorintho11:1 Mnifuate mimi kama mimi ninavyomfuata Masihi.

Wafilipi 3.17 Ndugu zangu, mnifuate mimi, mkawatazame wao waendao kwa kuufuata mfano tuliowapa ninyi.

Maelezo: Paulo aliwafundisha Wayunani amba walikuwa wameamini wamfuate katika kutii Elohim, kama vile alimfuata kutii kwa Yahshua. Waamini Wayunani wa kusanyiko la Yahweh walikuwa wakikusanyika siku ya Sabato, kama vile Masihi alivyofanya akiishi kimwili, ili atunze siku ambayo Yahweh aliamuru katika neno lake.

Jambo la mwisho kuhusu Mtume Palo na siku ya Sabato. Kuna wengine amba katika tamaa ya kuondoa Sabato ya Yahweh wanadai Paulo alisema haijalishi siku utunzayo katika **Warumi 14:1-5**, lakini ukitazama vizuri maandiko haya utapata kuwa hakuna mahali ambapo Sabato imetajwa. Ukweli ni kwamba, Paulo anaongea kuhusu Wandugu amba hawakuwa wakikula nyama na kuhumu wale amba walikuwa wakikula nyama, kwa kudhani imetolewa kama dhabihu kwa sanamu. Waamini hao walikuwa wakifunga na Paulo anawaongelesha. Anasema kwamba yule anayefunga siku fulani ametenga kwa Yahweh, na wale hawajafunga hawajatenga. Kwa uhakika, kila mtu atagundua kuwa Sabato haijatajwa na halina uhusiano wowote na **Warumi 14**.

Tena, wengine watumia Wakolosai 2 kujaribu kudharau siku ya Sabato; tena bila muktadha. Tukitazama wale Paulo anawaandikia (sio Wayahudi) wanohukumiwa na Wayunani wengine kwa kutunza Sabato ya Yahweh na Sikukuu, tazama basi jawabu yake Paulo.

Wakolosai 2.8 Angalieni mtu asiwafanye mateka kwa elimu yake ya bure na madanganyo matupu, kwa jinsi ya mapokeo ya wanadamu, kwa jinsi ya mafundisho ya awali ya ulimwengu, wala si kwa jinsi ya Masihi.

Wakolosai 2.16 Basi, mtu asiwahukumu ninyi katika vyakula au vinywaji, au kwa sababu ya sikukuu au mwandamo wa mwezi, au sabato;

Wakolosai 2.17 mambo hayo ni kivuli cha mambo yajayo; bali mwili ni wa Masihi.

Ni wazi kuwa hoja halikuwa kama siku hizi zinatunzwa lakini jinsi ya kutunza. Wayunani Wakolosai walikuwa “*Gnostics*”na waliamini kuwa chochote cha mwili kama kukula wakati wa Idi ya Vibanda ni uovu kwa sababu unalisha mwili. Lakini tazama jibu la Paulo. Asema usihukumu wale waabudu sanamu lakini fuata mfano wa Makusanyiko za YHWH kwa sababu siku hizi **NI** vivuli vya mambo yajayo.

FURAHİ KATIKA SIKU YA SABATO YA YAHWEH!

Je, utunzaji wa amri ya Sabato ya Yahweh ni mzigo mzito?

1 Yohana 5.3 Kwa maana huku ndiko kumpenda Yahweh, kwamba tuzishike amri zake; wala amri zake si nzito.

Maelezo: Amri kumi za Yahweh, mojawapo ni ya nne, ni baraka kutunza, sio mzigo. Kupitia kwa kutoelewa maadiko kikamilifu, watu wengine wamefanya amri ya Sabato ioneerane kama ni “nira ya utumwa”. Wanaongea kana kwamba Sabato ni laana kuu kwa Mwanadamu. Tuondoe kabisa hadithi hii.

Je, Mwanadamu aliumbwa kwa ajili ya Sabato au Sabato kwa ajili ya Mwanadamu?

Marko 2.27 Akawaambia, Sabato ilifanyika kwa ajili ya mwanadamu, si mwanadamu kwa ajili ya sabato.

Maelezo: Sabato, kama vile tumejifunza, ni wakati takatifu. Bado, ilifanyika kwa ajili ya Mwanadamu liwebaraka kuu kwa Watu wote. Sabato ni moja ya baraka kuu ambayo Muumba ameipa Familia ya Mwanadamu. Utunzaji wa kweli wa Sabato ingeweza kumtunza mtu kuwasiliana na Elohim. Bila mawasiliano, Mwanadamu hawezi kuelewa kusudi kubwa ya kuewpo au kuelewa sheria ambazo zinasimamia mafanikio katika maisha. Hawezi kuelewa yeye ni nani, mahali aendapo na vile atafika humo.

Hata hivyo, kwa sababu Elohim alikwisha fanya Wayahudi wachukuliwe mateka na Babeli kwa kunajisi Sabato (Yer.17:21-25,27; 2 Mambo ya Nyakati 36:5-7,16-19,21), Wayahudi wengi amba walikubaliwa kurudi Yerusalem na Koreshi, mfalme wa Uajemi, wakuwa kali kwa kushika Sabato. Kwa hiyo, Mafarisayo wakati wa yahshua wakaweka orodha ya shughuli 65 ambayo ilifafanuliwa kuwa “kazi” ambazo zimekatazwa. Marufuku haya yalifanya utunzaji wa Sabato kuwa “nira ya utumwa”. Nyongeza hizi zikwenda zaidi ya Roho na nia ya amri ya nne. Yahshua alikemea Mafarisayo waliojihesabia haki kutokana na mila zao na kuondoa kanuni hizo za watu.

Je, Sabato ni moja ya sehemu ya uumbaji ya Yahweh, hata kama hatuwezi kuona?

Mwanzo 2:1 Basi mbingu na nchi zikamalizika, na jeshi lake lote.

Mwanzo 2:2 Na siku ya saba Elohim alimaliza kazi yake yote aliyoifanya; akastarehe siku ya saba, akaacha kufanya kazi yake yote aliyoifanya.

Mwanzo 2:3 Elohim akaibarikia siku ya saba, akaitakasa kwa sababu katika siku hiyo Elohim alistarehe, akaacha kufanya kazi yake yote aliyoiumba na kuifanya.

Warumi 1:19 Kwa kuwa mambo ya Yahweh yanayojulikana yamekuwa dhahiri ndani yao, kwa maana Yahweh aliwadhihirishia.

Warumi 1:20 Kwa sababu mambo yake yasiyoonekana tangu kuumbwa ulimwengu yanaonekana, na kufahamika kwa kazi zake; yaani, uweza wake wa milele na Ukuu wake; hata wasiwe na udhuru;

Warumi 1:21 kwa sababu, walipomjua Yahweh hawakumtukuza kama ndiye Elohim wala kumshukuru; bali walipotea katika uzushi wao, na mioyo yao yenye ujinga ikatiwa giza.

Warumi 1:22 Wakijinena kuwa wenye hekima walipumbazika;

Warumi 1:23 wakaubadili utukufu wa Elohim asiye na uharibifu kwa mfano wa sura ya binadamu aliye na uharibifu, na ya ndege, na ya wanyama, na ya vitambaavyo.

Warumi 1:24 Kwa ajili ya hayo Yahweh aliwaacha katika tamaa za mioyo yao, waufuate uchafu, hata wakavunjiana heshima miili yao.

Warumi 1:25 Kwa maana waliibadili kweli ya Elohim kuwa uongo, wakakisujidia kiumbe na kukiabudu badala ya Muumba anayehimidiwa milele. Amina.

Tazama kuwa uumbaji haikukamilika hadi Sabato ikafanywa kwa tendo la kupumzika kwa Baba wetu wa Mbinguni na Mwanaye. Hivyo Sabato si dhana tu, bali ni sehemu ya Uumbaji enyewe ya Yahweh. Ni wazi Warumi inatuonyesha kuwa Sabato sehemu ya Uumnaji yenye haionekani, ili Mwanadamu adhibitise kuwa kuna Muumba wake. Kwa kukataa Siku ya Sabato, Mwanadamu kwa ujinga wake alipoteza macho tumtazamia Muumba wa kweli na kuanza kuviabudu vitu vilivyo umbwa kama Jua, Mwezi, Nyota n.k.

Je, ni jinsi gani Yahshua alionyesha kuwa kutenda mema kwa Sabato inakubalika?

Mathayo 12.9 Akaondoka huko, akaingia katika sinagogi lao.

Mat.12.10 Na tazama, yumo mtu mwenye mkono umepooza; wakamwuliza, wakisema, Ni halali kuponya watu siku ya sabato? Wapate kumshitaki.

Mat.12.11 Akawaambia, Ni mtu yupi mionganini mwenu mwenye kondoo mmoja, na yule kondoo ametumbukia shimoni siku ya sabato, asiyemshika akamwokoa?

Mat. 12.12 Je! Mtu ni bora kuliko kondoo mara ngapi? Basi ni halali kutenda mema siku ya sabato.

Mat. 12.13 Kisha akamwambia yule mtu, Nyosha mkono wako; akaunyosha, ukapona, ukawa mzima kama wa pili.

Je. Yahshua alitambua kuwa ni bora kuokoa mnyama ambaye ameangukia shimo kwa siku ya Sabato, na kuashiria kuwa kutenda kazi zingine za dharura ambazo haziwezi ngoja hadi tamati ya siku ya Sabato?

Luka 14.5 Akawaambia, Ni nani mionganoni mwenu, ikiwa ng'ombe wake au punda wake ametumbukia kisimani, asiyemwopoa mara hiyo siku ya sabato?

Luka 14.6 Nao hawakuweza kujibu maneno haya.

Maelezo: Elohim anataka sisi tuwe na hukumu ya kweli na uaminifu kwa matumizi ya roho na nia njema kwa yale yanastahili kufanya na yasiyostahili kufanya kwa siku ya Sabato. Yahshua alifundisha usawa na hekima na kuwa na mtazamo sahihi katika kutunza Sabato. Wayahudi, waliozidi kwa mila, hawakuweza kuelewa matumizi ya kiroho ya amri ya kushika Sabato. Wangetoa mnyama kwa kisima kwa siku ya Sabato, lakini hukumu Yahshua kwa kuponya Mwanadamu siku hiyo.

Kwa kuongeza damaduni na utafsiri zao, wakafanya Sabato kuwa mzigo kutunza. Hata wa leo, Wayahudi wa kiorthodox (Orthodox Judaism) wana sheria zaidi ya 1000 uzuilizi mgumu za utunzaji wa Sabato.

Je, tunastahili kufuata maslahi yetu wenyewe na raha kwa siku ya Sabato? Je, tunastahili kufurahia Sikukuu ya Elohim? Je, tunafanyaje hili?

Isaya 58:13 Kama ukigeuza mguu wako usihalifu sabato, usifanye anasa yako siku ya utakatifu wangu; ukiita sabato siku ya furaha, na siku takatifu ya Yahweh yenye heshima; ukiitokuza, kwa kutokuzifanya njia zako mwenyewe, wala kuyatafuta yakupendezayo, wala kusema maneno yako mwenyewe;

Isaya 58:14 ndipo utakapo jifurahisha katika Bwana; nami nitakupandisha mahali pa nchi palipoinuka; nitakulisha urithi wa Yakobo baba yako; kwa maana kinywa cha Yahweh kimenena hayo.

Maelezo: Sabato ni ya Elohim. Alifanya siku hii moja kila wiki wakati takatifu. Ajira, ununuzi, kukata nyasi, kupika na huduma ya nyumbani yanastahili kufanywa kwa siku sita za kwanza. Wala Sabato si wakati halisi ya matamano, michezo na hamu maalum. Shughuli kama hizo hutenga akili zetu kwa Elohim na lengo lote la Sabato.

Sabato ni siku ya heko na furaha - ni shangwe kwa wale wanaheshimu na kuabudu Baba wetu wa mbinguni. Kupumzika kwa kazi zetu na raha kwa siku ya Elohim hutupa nafasi ya kudumu zaidi katika maombi kwa Baba wetu wa mbinguni, kujifunza, kujadili na kutafakari neno -kujaza akili zetu na mawazo na tabia ya Baba wetu wa mbinguni na Mwanaye, Yahshua.

Sabato ni wakati wa ushirika kamili ya familia ambayo labda haipatikani - wakati maalum na nafasi ya kuwafundisha watoto wetu kuhusu Elohim na njia zake. Pia ni wakati ambayo tunaweza kutazama na kufahamu uzuri na ajabu za Uumbaji wa Yahweh.

Kutunza Sabato jinsi Yahweh ametuamurisha inatinua kiroho na msukumo ambayo tunahitaji kutuzaidia kwa kazi siku sita zijazo kwa furaha na mwelekeo. Kwa hivyo, Sabato itakuwa furaha tunapojo funza njia za Elohim kwa Siku yake ya Sabato kila wiki.

USHIRIKA KWA SABATO

Sabato ni siku ya pumziko na furaha kiroho. Pia ni siku ya makusanyiko matakatifu na ushirika na waumini wengine, kama tumebarikiwa kuwa karibu na waumini wenye lengo sawa. Ni muhimu kuelewa ukewli kuhusu ushirika wa kweli.

Yahshua Masihi wetu, ambaye aliweka mfano ya kuishi, alifundisha kwa maisha yake na mazoezi kuwa kusanyiko la watu wa Yahweh inafanyika kila Sabato. Ni siku ya kuunganika kwa watu wake alioitwa na kuchaguliwa kuabudu Elohim. Ni wakati wa watumishi wa Yahweh kuhubiri na kueleza kanuni za Torati hai ya Yahweh kutoka kwa neno lake.

Je, Waumini wa Agano jipya wanshauriwa nini kuhusu kusanyika pamoja?

**Waebrania 10.24 tukaangaliane sisi kwa sisi na kuhimizana katika upendo na kazi nzuri;
Waebrania 10.25 wala tusiache kukusanyika pamoja, kama ilivyo desturi ya wengine; bali tuonyane; na kuzidi kufanya hivyo, kwa kadiri mwonavyo siku ile kuwa inakaribia.**

Je, ni muhimu kiasi gani kwa mwili wa waumini ambayo ni Kusanyiko la Yahweh kuwa na ushirika wa kweli?

1 Yohana 1.3 hilo tulitoliona na kulisikia, twawahubiri na ninyi; ili nanyi pia mpate kushirikiana nasi: na ushirika wetu ni pamoja na Baba, na pamoja na Mwana wake Yahshua Masihi.

1 Yohana 1.6 Tukisema ya kwamba twashirikiana naye, tena tukienenda gizani, twasema uongo, wala hatuifanyi iliyo kweli;

1 Yohana 1.7 bali tukienenda nuruni, kama ye ye alivyo katika nuru, twashirikiana sisi kwa sisi, na damu yake Yahshua, Mwana wake, yatusafisha dhambi yote.

MAELEZO: Uwepo wa Yahshua upo kwa Sabato, na linalifanya takatifu. Wakati watoto watiifu wa Baba, kila mmoja amejiunga na Masihi (**Yohana 15:1-5**), kila mmoja akinenda na Masihi kwa Amani – wakikutana kwa siku yake takatifu, wanapata ushirika na Masihi. Yeye yupo, kati yao, kwa roho.

Na Yahshua anajiunga na wao kwa ushirika naye na Baba. Wakati mwingine waumini ambao wameamini juzi wanadhani kuwa ushirika huu huja kutoka kwa kanisa kubwa, lakini makusanyiko za awali zilikuwa ndogo na walikutana manyumbani.

Mathayo 18.20 Kwa kuwa walipo wawili watatu wamekusanyika kwa jina langu, nami nipo papo hapo katikati yao.

Je, Sabato ni agano tofauti yenye Baba wa mbinguni alifanya na watoto wake ili aonyeshe watu wote nani ni Elohim pekee wa kweli na watu wake wa agano ni nani?

Kutoka 31:12 Yahweh akasema na Musa, na kumwambia,

Kutoka 31:13 Kisha, nena wewe na wana wa Israeli, na kuwaambia, Hakika mtazishika Sabato zangu, kwa kuwa ni ishara kati ya mimi na ninyi katika vizazi vyenu vyote; ili mpate kujua ya kuwa mimi ndimi Yahweh niwatakasaye ninyi.

Kutoka 31:14 Basi mtaishika hiyo Sabato; kwa kuwa ni takatifu kwenu; kila mtu atakayeitia unajisi hakika yake atauawa; kwa kuwa kila mtu afanyaye kazi katika siku hiyo, nafsi hiyo itakatiliwa mbali na watu wake.

Kutoka 31:15 Kazi itafanywa siku sita; lakini siku ya saba ni Sabato ya kustarehe kabisa, takatifu kwa Yahweh; kila mtu atakayefanya kazi yo yote katika siku ya Sabato, hakika yake atauawa.

Kutoka 31:16 Kwa ajili ya hayo wana wa Israeli wataishika Sabato, kuiangalia sana hiyo Sabato katika vizazi vyao vyote, ni agano la milele.

Kutoka 31:17 Ni ishara kati ya mimi na wana wa Israeli milele; kwani kwa siku sita Yahweh alifanya mbingu na nchi, akastarehe kwa siku ya saba na kupumzika.

Kutoka 31:18 Hapo Yahweh alipokuwa amekwisha zungumza na Musa katika mlima wa Sinai, akampa hizo mbaao mbili za ushuhuda, mbaao mbili za mawe, zilizoandikwa kwa chanda cha Elohim.

Kiebrania ni lugha ya picha ambayo kitambo ilikuwa na picha 22 ambayo inaweza kutaja maneno, kama picha ya mtu na picha ya silaha itakuwa picha ya adui. Neno picha la awali ya Sabato ni “kurudi kwa nyumba ya agano”. Hii ni ya kuvutia sana kwa kuwa Sabato ni ishara enyewe ya Agano la kifamilia ya Yahweh, lakini Sabato haikuwa ishara pekee ya Agano kati ya Yahweh na watoto wake, bali ni njia ya kutakaza (kutenga) Watot wake wa Agano kutoka njia mbaya potofu za Jamii ya kishetani. Inaweza kuwa moja ya Baraka kuu maishani iwapo kwa kweli tunatunza siku hii iwe takatifu na kutumia kama njia ya kushiriki na Baba wetu wa Mbinguni.

Yahweh Muumba Mkuu wa Ulimwengu ametenga wakati teule kwetu sisi watu wake wa Agano.

Mwanzo 1:14 Elohim akasema, Na iwe mianga katika anga la mbingu ili itenge kati ya mchana na usiku; nayo iwe ndiyo dalili na majira na siku na miaka;

Walawi 23: 1 Kisha Yahweh akanena na Musa, na kumwambia,

Walawi 23:2 Nena na wana wa Israeli, na kuwaambia, Sikukuu za Yahweh, ambazo mtazipigia mbiu kuwa ni makusanyiko matakatifu; hizi ni sikukuu zangu.

Walawi 23:3 Mtafanya kazi siku sita; lakini siku ya saba ni Sabato ya kustarehe kabisa, kusanyiko takatifu; msifanye kazi ya namna yo yote; ni Sabato kwa Yahweh katika makao yenu yote.

Neno la misimu au majira katika **Mwanzo 1:14** ni *Moedim* na maana halisi ni kusanyiko takatifu.

Je! Unaweza kufikiri kwamba Yahweh mkuu, muumbaji wa vitu vyote, mwenye nguvu, alipo popote, na atawala wote, ameweka kando hii muda maalum ya saa 24 kuanzia jioni Ijumaa hadi jua likitua jumamosi (kuhesa ya Biblia ya siku) kwa watoto wake wa agano. Je! unafikiri tunapaswa kuwa na heshima kwake angalau kwa kuweka wakati huu kwa ajili yake na kuitunza takatifu kama neon lake lasema?

Pia neno la Kiebrania ya mkusanyiko mtakatifu katika Mambo ya **Walawi 23: 2** ina maana ya mazoezi au matayarisho. Sabato ina maana mbili kwa uhuru wetu katika Masihi.

Kipengele kimoja ni uhuru kutoka kwa dhambi tunayo kupitia damu ya Masihi Yahshua na uhusiano wetu wa agano pamoja naye kupitia ubatizo, na jambo lingine ni kutafakari utawala wa milenia wa Masihi. Kama Yahweh alivyoifanya dunia katika siku sita na ya saba ni Sabato ya kupumzika, amewapa wanadamu miaka elfu sita kutekeleza mifumo Yake mwenyewe, na shule naserikali, na wakati wanadamu wanapojiangamiza kabisa (na sisi ni karibu huko) Yahshua atarudi kwa utawala wa miaka 1,000 wa amani duniani kote. Kila siku ya sabato tunapotoka kutoka duniani na kupumzika siku hiyo na kutofanya kazi yoyote kama kukata nyasi, kupika, kufua nguo, tunaadhimisha na tunatarajia kurudi haraka kwa Mwokozi wetu Yahshua, na uhuru ambayo tutakuwa nayonje ya jamii ya Shetani.

Wakati Adamu na Hawa walifanya dhambi sehemu ya laana hiyo ni kwamba mtu angelazimika kufanya kazi kwa jasho ili aweka chakula kwenye meza na kuishi.

Mwanzo 3:17 Akamwambia Adamu, Kwa kuwa umeisikiliza sauti ya mke wako, ukala matunda ya mti ambao nalikuagiza, nikisema, Usiyale; ardhi imelaaniwa kwa ajili yako; kwa uchungu utakula mazao yake siku zote za maisha yako;

Mwanzo 3:18 michongoma na miiba itakuzalia, nawe utakula mboga za kondeni;

Mwanzo 3:19 kwa jasho la uso wako utakula chakula, hata utakapoirudia ardhi, ambayo katika hiyo ulitwaliwa; kwa maana u mavumbi wewe, nawe mavumbini utarudi.

Sabato ni ahadi kwamba Yahshua ametukomboa kutoka kwa laana hiyo na katika milenia tutatawala pamoja naye.

Wagalatia 3.13 Masihi alitukomboa katika laana ya torati, kwa kuwa alifanywa laana kwa ajili yetu; maana imeandikwa, Amelaaniwa kila mtu aangikwaye juu ya mti;

Kila siku ya saba tunaweza kutoka duniani na shinikizo la kufanya kazi kwa jasho la nyuso zetu na kuishi katika mfumo wa Shetani. Tunabarikiwa kuwa kwa muda wa masaa 24 tunaweza kuzingatia ushirika na Baba yetu wa mbinguni na Mwokozi wetu na kuacha matatizo yote ya kidunia ya dunia hii mabaya nyuma kwa masaa 24 kila Jumamosi.

KUMBUKA:

1. Sabato ni moja ya amri kumi, ambayo hudumu milele.
2. Sabato ilitolewa wakati wa uumbaji na sio kwenye Mlima Sinai.
3. Sabato ni ishara ya milele ya agano la Yahweh na watoto wake.
4. Sabato ilifanywa kwa ajili ya wanadamu kama baraka ya kuheshimu na kuabudu Muumba wetu.

**Kutoa mkanda ya bure, “The Law” One Sabbath Forever,
Congregation of YHWH Jerusalem, Israel**

www.coyhwh.com